

天水縣志卷之十一

藝文志

秦州新志藝文去取甚嚴無論州人之作與非州人之作必以秦州之地之事爲斷凡無關於此邦地勢民生文教武備古迹故事建置人物者不錄以其時篇翰浩繁去取不得不嚴也民元迄今二十餘年藝文較省甄錄宜寬然無關於天水之人之地之事者仍不錄也記事者必求其真立言者務合於道刪僞去浮崇正核實志藝文第十二而金石附焉

藝文一

任士言先生文集序

許承堯

承堯昔在皋蘭見田君楓淑今來秦州見哈君蛻軒皆稱其師任士言先生博學摯行立身

天水縣志

卷之十一

一

蘭州國民印刷局排印

有軌則教于鄉斐然而聞達者數百人承堯來秦時又適值秦人奉先生木主附祀於伏羲廟側之來鶴軒私諡曰文介搢紳咸集承堯往觀禮因得瞻先生遺像癯若飢鶴而藹然冲和心儀之猶竊疑秦俗質于其鄉先生有加禮用意厚也繼哈君盡出先生所爲敦素堂詩文集屬爲序得盡讀之其詩已刑行蓋出入于少陵義山之間而文則盤礴鬱積恣其胸臆所欲出無所宗主間與蘇氏近要其尙論古昔規切晚近再三致意于涵養心源敦行勵俗立言有本其遺書當道指導得失又皆深明治理計畫詳審一一可見諸設施固知先生非專以文鳴者也有蓄不施以教于鄉其用亦嗇矣乃稽先生之所以教則非文也內以狷介成其孝友見于外則愷悌任卹其終日言與終日行翕然若符節焉今之所見者先生之膚末耳若其精神固日往來于秦之士夫之心目中浸淫冶鑄懸一的以爲之招遊其門登其

堂終身油油然不隨時俗遷變然則秦之人之致慕致敬于先生味之彌永而挹之無竟誠自有其故非姝姝然執私竺舊之所爲也承堯何足知先生而重哈君請不敢辭妄推闡之亦欲使秦之人讀先生之文徵先生之行持此端樸渾穆高尚純潔之風習而堅楔亢進爲後起師法則所造大矣

隴南修治道里記

馬其昶

甘肅古雍州地南界秦蜀之交山阜盤互自來行軍轉粟運輸艱阻目爲畏途左文襄公當咸同間平關隴復新疆用兵塞外而甘新之車路通顧猶未及隴南民國建立甘肅獨以較遠免戰禍於是陸軍中將孔君鎮守隴南乃銳意平治道涂以暢百貨逸行旅縱橫四關而以天水爲之樞十年冬始營西路自天水西南至羅家堡歷鹽官鎮長道鎮過西和南至洛

天水縣志

卷之十二

二

蘭州國民印刷局排印

峪集又西南踰麒麟山至王家楞長三百餘里明年春營東路自天水北出雲山集東歷遠門鎮白駝石數折以達清水北至閻家店入陝境有大關山互馬鹿鎮固關鎮之間工尤巨又東南抵隴長五百餘里是年秋營南路自天水南出興隴鎮東迄娘娘壩逾八盤山殷家溝江洛壩東南趨徽更東經永甯鎮趙家堡東抵兩當長五百餘里十二年營北路自天水西出三十里鋪至關子鎮又西北至伏羌而東西分西經盤安鎮洛門鎮至武山二百餘里因故道加修治東則由金山鎮至秦安又東北至蓮花城復折而東南歷隴城隴山二鎮逾張家川以達閻家店自隴城東凡所歷鎮各分支與東路會其東路自雲山集分而西北行者歷秦安郭家鎮碧玉鎮度冉家川抵通渭以達定西長四百餘里亦北路也其分自西路者長道分而西行百里至於禮西和分而東南行三百餘里亦南路也歷雪水河潭土關石

峽關乃折而東至於成北達江洛壩東達徽悉與南路會間皆椎幽鑿險以抵周道凡二千八百餘里用銀十六萬有幾君壹以自詭不顧望時當地震菑變後廬舍燬毀饑饉流亡死者無算君輒募役興工作雜民與卒而部勒之凡所經畫雖勞不罷費雖鉅使眈隸得贍而又因以成吾之績蓋道通無阻非特軍事便也卽人文之蔚起未嘗不資於此焉是不可不詳述以告後之人廣續前勞以時飭治毋俾卽壞其亦隴民之幸也與君名繁錦字華清合肥人卒業於北洋將弁學堂至今職特授銘威將軍

重修太陽山新洞寺碑記

蘇統武

去城南五十里由徐家店東進溝數里曰太陽山危峯北峙廢寺遺址在焉正對南山之麓有靈湫洞深十餘丈僅容人入遇旱祈湫輒驗土人名曰木杳洞據明宣德四年重修太陽

天水縣志

卷之十二

三

蘭州國民印刷局排印

山新洞寺觀音聖像碑記景泰辛未已屬重修現在靈湫菩薩殿三楹則建太陽山右支迤北正中偏西建關帝殿旁有小甗塔乾隆中寺僧冰大師建由菩薩殿端下地勢平敞正北建佛殿三楹坐丑向未左角門通任持禪院右角門爲上山便門東殿三楹奉然燈佛觀音菩薩伽藍神西殿三楹奉三霄聖母四海龍王南殿三楹中一間停脊隔朝北奉韋陀東西牆繪四大天王像朝南奉無量祖師旁列四大帥神左鐘樓右鼓樓廟路由兩樓下出入端對無量殿下坡廟一楹中分向北爲磨鍼殿向南爲馬王殿再下爲靈官殿爲山神土地廟俱南向據寺鐘醮樓係康熙二十三年所鑄其廟頂菩薩殿卽舊所謂重修而各廟或係後人添修惜再無碑可考磨鍼殿之左向東爲萬歲亭去亭不遠有樂樓乾隆四十年建歲久傾圮此次興工移建於磨鍼殿右并萬歲亭移建西向與樂樓對就萬歲亭舊基建亭焉道

光二十年寺僧然桂曾經募化重修距今僅五十餘年惟山深林密兼以地震故坍塌特甚今賴城鄉信善資助廟宇煥然一新因敍其顛末如此寺前照山護林一處并各處熟地共一百七十餘垧所以資歲修供寺僧者也因并附及大清光緒十七年四月起工十九年八月告竣

擬覆上長制軍書

張世英

州縣官吏書役之弊之日增月盛由於大府之體恤州縣州縣恃以無恐強取巧圖有加無已遂不得不體恤書役有上聞於大府前者不目爲劣紳刁衿則目爲不達時宜之俗儒更或目爲沽名邀譽之巧士於是儘仗壓力曲爲設方或嚴行批駁以鬆其勁或飭司轉行道府查覆以稽其時日或委員往查會稟以便其轉圜或委員密查單稟而明密暗通單稟無

天水縣志

卷之十二

四

蘭州國民印刷局排印

殊於會稟蓋此嚴駁者州縣歲有例餽特餽之憲幕也轉行查覆者州縣月有供億之親近上司也委令會稟單稟者非候補之府廳卽候補之州縣今日查覆之所宜減卽後來規費之所望增也今日之控人者而得意後來之控己者將更甚也以素所親密素所同氣之人而查素所不識素所同惡者所控之大弊將必徹底根究耶既積重而難返亦免死而狐悲將概作爲子虛耶既十控之皆真豈一錯之莫有不得已乃爲避重投輕之計又爲移罪書差之謀而交官爲寵之紳藉公爲生之士復出而調停其際關說其間或惕以事久之費款或悚以將來之禍患明則予以可了之路暗則解其聯名之人馴至親戚惜其獨勞室人譎而交徧前之爲民而除害者忽焉爲已而圖安矣誠之不至未有自強不息者也於是聽官如何銷案而已不與聞也衆亦不過問也爲大府者據稟含糊銷案不復爲之深究否則無

以示體恤也夫體恤之說恕之事也而卽仁之事也亦卽禮義智信事也何則人有身家而我意之之悉不啻身之是之謂體各有身家卽各有以自給乃或時勢所窮智力有限不能不有待於身之之人代爲之謀使之有以自給是之謂恤體也恤也其恕爲何如耶其仁爲何如耶若夫體未之至爲人所欺體之未詳致人自誤以致當恤不恤恤不當恤則謂之不智謂之不義若其恤所當恤而恤之不及恤如不恤恤之太過俾所恤者馴僭越而卽邪淫則謂之無禮循禮循智循義之實而無或稍違則謂之信而不然者不惟信之難名卽其所謂恕者亦屬不本於忠之恕所謂仁者不免其蔽爲愚之仁則所謂體恤焉者適以禍之而已方今民窮財盡不必悉由於此而天下爲州縣所積治平本牧令之廉此不節制則侵公肥已府庫勢必空虛上好下甚士民漸至奢侈奢侈之極財有不窮盡者無是理也夫六事

天水縣志

卷之十二

五

蘭州國民印刷局排印

本廉 官箴也或謂事既有六廉難專恃亦非無所見也不知需才雖屬不一其本要不外是天下廉而不成事者間或有之不廉而成事殊罕見也今之州縣其俸廉公費之人與漢刺史相若其定此數之時度亦幾經酌量俾各有以自給而後定此數也豈貿貿然爲之也耶何以二百年前之州縣所入止此不憂不足二百年後之州縣入或十倍入或百倍豈憂不足而爲之耶抑大臣不法小臣不廉食不以時用不以禮積漸使之然耶夫古之爲官行其義也行其義行所學也行所學者將行不志於穀之學事君後食可使足民之學省刑薄歛之學能行此學餘學乃可行也官者管也約束人也約束人者約束四民使不爲貪爲詐爲爭爲奪循循而爲耕田鑿井之編氓也乃古官如此今官如彼管人如此處己如彼天下之亂咎有歸也外人之侮孽自作也呂涇野曰教不法乎橫渠皆貨夫也治不宗乎三代皆

苟治也然而郅治之不易得也國初之法或可行也盈千之祿養尙不足牧令一歲之用乎六房三班之服勞尙不給一官之使乎而難之者則曰一署眷屬親戚幕友家丁廚夫奴隸之衆各處餽贈輸助派攤暨家鄉親友接濟需用之費盈千之人能給求乎催征喚案供差供署解犯緝捕之役新政造冊填表之類卷案之繁倍於往昔上領工食既苦無幾本官津貼亦屬甚微惟房與班所取於民之項所供役使之數不再加增已爲幸事尙何輕減之有不知朝廷設祿止代一官之耕其餘家屬均應執業自養自浮征端開始而家屬取給於官旣而族戚取給於官友朋取給於官久之無論相識與不相識而凡懶惰好逸之人則皆取給於官是使人不專力於本業常生妄想以度活者並且以妄想之故致舉家從此不全活者皆自官之浮征有以啓之昔人謂有餘爲害物莫不然財其甚焉者也則信乎其不誣也

天水縣志

卷之十二

六

蘭州國民印刷局排印

是官之以財有餘害已以害人者仁而明者庶不疑此理矣然而猶有足以難其說者謂朝廷爲中人立法不能不如此從寬夫上智下愚天下無多此外皆中人也中人可以管中人乎非智出乎中人之上不能管中人也用此爲官將不給於用也不知中人者可與爲善可與爲惡之常人也教而後成者也而教以道德教以事功教以利名等教也而善惡分焉矣今之爲教胥名利也而卽教以惡也其由中人爲善而漸進乎智者幾千百不能有一無惑乎官不給於用也今欲官給於用則莫如力絕浮征之弊蓋浮征不絕則當入學之初但精弋名之具此外兵刑錢穀等事概置弗究謂異日登籍自有幕友府吏代之官不過總理而已祇要科第早得不患用人無資雖善學者亦將不好學矣觀富貴子弟不愛讀書非明證與是則斂稅愈薄才能愈出捐納自少保舉自真請託自稀苞苴自寢天下有不治者無是

理也然而猶有難其說者謂官場積習祿養如此寥寥則水清無魚之勢將有不免不知自保選考職拔優之途寬其到省者十九寒酸出身尙無捐納保舉一流之習向之盈萬累千而不足者此則稍勝昔之脩脯而已饜也卽令人各給缺尙恐人浮於事又何水清無魚是恐之有然而猶有難其說者謂舊歷練已深新到閱歷未久簡缺猶可試著繁劇非其所宜夫所謂繁劇者不過銀糧詞訟盜賊多於他州縣耳若官能革其浮徵書役不敢肆虐民將踴躍輸將尙何抗欠之足慮乎詞訟理於審判鄉甲實行和事巡操寓於夜分學堂又何牧令詞訟盜賊之多之足慮乎卽審判尙未盡設而鄉甲既能實行訟盜亦自稀少所謂繁劇之區亦將變爲簡矣又何新到不勝其任之足慮乎且所謂歷練深者大都逢迎趨避之計工耳上交下交之路通耳假公濟私之術妙耳豈真知道齊之本而明致澤之義乎所謂閱

天水縣志

卷之十二

七

蘭州國民印刷局排印

歷淺者不過於上數事未熟悉耳豈盡迂腐不堪老好無用者耶然而猶有難其說者謂積弊甚不易返變本或至加厲不如得過且過之爲安也不知弊不易返非謂不可返也可返而以不易阻之人將盡爲其易矣而不易者留爲誰之事平變本或至加厲不變誰爲減厲也者此皆因噎廢食者也至得過且過亦祇不過不悉民艱未親民隱日聞讐言未聞怨讟陽害隱受尙未顯及自顧宮室車馬妻妾子女飯食衣服產業器用均能過得去者且推過耳烏知見爲不安而安者將至見以爲安大不安者將至之消息耶夫興利不如除弊謂弊除卽爲利也今則新政疊舉皆興利事也而於應除之弊尙遲遲焉是由病者痼根未除施之以補劑也然痼根宜除而元氣虛弱已甚除之將不堪其損也補之將以益其痼也左右爲難計惟有消補兼施之一術乎此前有輕弊恤民之妄陳也

再上秦州臨時軍府書

張世英

爲覆進讜言懇恩一再酌奪事緣職前上密稟蒙覆所見甚是等語隨將解決條件從寬從速體恤開示真不愧於和平兩言次日傳集紳董公開擲下條件間適軍府傳呼職卽詣府藉讀俞恪士方伯諸函知蘭州諮議局李會長有來鞏和平解決之說蒙諭昨議可以少緩敢不祇遵抑職癡愛憲台之過望保地方之私仍有不能已於言者敢爲我憲台縷細陳之查原示第一條意義已經函請轉達蘭州政府矣惟往返需時四境軍集民人惶恐無論如何解說迄不聽信再久保無滋出別事是宜委曲設法速爲解決不可少待者一也原示第二條無論政府回電何如均允解決憲台何等忠信何等明斷今聞李君之來而已斷者旋復不斷諺云當斷不斷反受其亂常言乃名言也此解決之計不可少待者二也李君熱腸

天水縣志

卷之十二

八

蘭州國民印刷局排印

開通固迥異於尋常而細揆俞書仍是和平解決依然憲台初終不渝之志不過較之餘人不至反對不涉執拗凡所要求彼必多曲從耳而原示一十六條委員周君與秦紳衆昨日會議未見多不從也與其舍此聽彼未必稍勝一籌使人疑爲反覆何如一成不變未必貽有後悔要自全我忠信此解決之計不可少待者三也甘肅邊遠瘠區養兵全恃協餉去歲由俞憲處轉上長帥一書內有與其餉匱而遣散爲難不如額餉而招募惟謹等語長帥陽許陰違致有今日自貽伊戚亦復何尤本屬弊政最深之省兼值遣散爲難之會諸上官先其所急已不免於脚忙手亂何有餘力立使百廢之俱興耶君子平情論事何可刻以相繩若遣散一事稍畢而應革諸弊仍舊此時聯邦再發問題未爲晚也憲台昨日談次知之匪艱行之維艱兩言不爲此事而發何啻爲此發耶知己知彼百戰百勝之說在當局熟思而

審處耳此解決之計不可少待者四也秦州漢回素稱相得此次紳界尤極聯絡浹洽而徽縣既已開釁退兵又難歸農俞憲來書所慮某某覆函所詳不可不慎防也公敵之犯知者尙少今若猶豫不決我固留以有待彼或乘以竊發安民而終害民其將何以對天下耶此解決之計不可少待者五也爭之政府之說係爲甘不刻卽圖新而言而甘不刻卽圖新之故既見原於邊人甯不曲諒於政府我以爲爭其所急人以爲爭其所緩我以爲爲地方保安而爭人以爲爲一己位名而爲審時度勢在我憲台自爭是非於方寸耳方寸爭定自無俟一再之躊躇也此解決之計不可少待者六也李君來鞏會商憲台不親往見礙公理之宜若親往見則有無窮之慮若邀李君來秦會商則非李君來鞏初心未必果來秦也卽其所謂來鞏也者尙在可必不可必之列否則其函何不與俞憲之函而同來耶等候多日終

天水縣志

卷之十二

九

蘭州國民印刷局排印

歸於虛徒懸衆望於事無益此解決之計不可少待者七也究之以上所陳皆據公共之理勢爲言尤有切於職一己者不能不直陳也蓋職之此番不避勞怨不避嫌疑早夜汲汲而弗遑者爲維持於保安也若維持而眼看無效不如引退之爲愈也前致蘭州朋友書曰兩地維持責無旁貸不至保安終局此肩不可卸也不料秦州紳民漸疑我矣則諸事不可爲矣而蘭州諸紳近又以疑李君者並疑職也謂李君致函於職今職轉請憲台義旗西指不可少緩等語經李君責詰實據所在疑李君者茫無以應今李君果有來鞏相見之事疑李君者不亦證其前言之有因乎夫俞憲以避嫌之故不肯南來又不與李君同來而職以衰朽腐散之身老實無用之材值此遠近見疑之際而猶爲俞憲之所不爲其亦不自量矣此又職望我憲台見原於格外者也惟引退之人不應復多此口而心有不安情難自己不禁

爲此刺刺不休之請萬一採納秦民幸甚全甘幸甚

陸軍少將銜原任秦州總鎮馬國仁殉難碑記

哈銳

烏虜國體改建以來軍閥武人節鉞相望權利地盤所在不惜拚身命以殉之至於爲民捍患毅然與危城爭一日之存亡而捐糜頂踵視死如歸者馬君相丞而外殆無聞焉君之死也中央褒卹有加士民奔走號咷縞素彌望築祠宇奉君粟主歲時妥侑旣虔旣潔君雖死而邦人士之不忍君如一日焉茲豈可以無述也耶君旣蒞任之明年豫匪白狼跳梁鄂陝間警報日至官軍利食賊之餘也但有尾隨而無截擊賊於是豨奔豕突一日夜蹕數百里所至爲墟君惄然憂之騰書大府所以爲益兵設防計者至詳且盡未幾賊寇商確殘鄂鄖一躍度隴蜂屯於恭門鎮張家川一帶君悉索所部益以民團夤夜馳赴遠門鎮扼要拒守

天水縣志

卷之十二

十

蘭州國民印刷局排印

賊懼於聲威舍之而西秦得無恙雖然秦隴上腴區也賊間謀密布虛實洞然以退爲進賊固計之熟而君自賊西走百計綢繆思得當自効城北固倚山爲屏賊得之則全城在目將不守君諳於形勢先遣久經訓練之步兵一營擇要屯紮免爲賊乘部署甫畢而賊奄至時甲寅陰曆四月初十日也君聞警擊所餘騎兵百有餘人躍馬疾馳與賊遇奮力迎戰殪其前鋒而來者麇集君稍卻至距城三里之王家磨申儆士卒設伏狙擊無不一當百賊爲之靡君軀幹魁碩賊所注目正逐北間忽流彈自左鬢穿左輔頰出墜馬死之賊遂得長驅薄城而糜爛乃不堪問矣夫以君百戰之餘更事之多豈不知嬰城固守以逸待勞者之或可圖存抑豈不知以至少擊至衆者之爲非策而不如此則與君慷慨許國之素志不相容且量敵示弱亦非沉毅果決如君者所屑出也然則君之致命所以遂志而非邂逅及難者所

可同日語乎君治軍嚴而拊循之者甚至士咸樂爲之用辛亥長武醴泉之役戰績卓卓騰於人口自偏裨洵膺專閫旌麾所至尤以賓接儒碩綏輯閭閻爲當務之急以故聞君死綏遐邇之人識與不識皆太息或淚涔涔下云君諱國仁相丞其字甯定人一門列戟君尤傑出昊天不弔猥以小醜壞我長城授命時年甫三十有九惜哉今距君死事之歲五閱寒燠矣日月逾邁陳迹易湮聲之貞珉以告於不知紀極之世縮兵符者其亦觀感而興起也夫

陸軍少將秦州總鎮胡立成紀功碑記

哈 銳

秦州總鎮胡君海芝諱立成湖南長沙人以今年春增築翠屏山礮臺蹀躞風日中感疾不起邦人士野祭巷哭如喪所親既合詞電籲大府從優請卹復以君功德在民儻竟聽其鬱湮時異勢殊聲稱闐如其又奚可於是伐石鳩工而以諗後之文屬余余於當時將領中最

天水縣志

卷之十二

十一

蘭州國民印刷局排印

心折君其曷敢讓當君之蒞任也正值南北內爭割裂之時天水南毗蜀疆東雜秦鄙其號稱靖國軍者護法其名殘民其實君慨然曰吾之職在保境息民而已不知其他濡汗未息卽馳赴近郊相度山川脈絡與要害所在出私資創築隄臺礮臺躬親鍤耒與傭伍雜作不日落成屹然在望正擬取犄角之勢於城南翠屏山依式爲之而滇軍首領葉荃潛師奄至時戊午舊曆九月十四也於時統領新建左軍吳君攀桂有衆數千合以君所部若干乘陣嬰守礮聲毀天地兩晝夜不絕而敵冒險深入非得城則進退失據番休迭起螳傳環攻最後賊以巨礮拚死力轟城垂陷矣君念此邦全省門戶所在與其職守修墜所關非可坐而斃也乃密召得力弁兵授以機宜取道叢薄間以曩所築礮臺爲翼蔽拊敵之背出其不意形如瓠建而勢若霆摧敵驚顧愕眙自相蹂踐鳥駭獸散會同左軍追奔逐北俘虜若干

奪獲戰利品無算而城獲全其需時祇數晷刻耳君所部名曰巡防以餉絀籍多虛伍又先期分布諸要隘咫尺梗阻不克赴援此役以寥寥百餘之卒走百戰趨捷之衆發縱指示疑鬼疑神寡不敵衆幾成譟言何其詭也昔曾文正謂湘軍制勝在於拙誠蓋惟拙乃可用巧惟誠乃可言術否則直兒戲耳君服膺鄉先生之訓亦惟本其拙且誠者入而繩已出而詰戍常則有備而無患變則好謀而能成保境息民之耿抱有事實以證明之雖甚妬君者百計齟齬不能取君衆著之方略掩而抑之俾勿徹於遠邇之聽聞而君則以爲絕不足道以視彼節旄坐擁戈鋌如雲祇以仇民不以撓敵者其爲人相去何如耶至君之出處與其他勛績則具於君嗣祖勛所爲行狀中茲不贅云

重建玉泉觀記

代州牧

任承允

天水縣志

卷之十二

十二

蘭州國民印刷局排印

秦之鎮山曰邽迤西之支方言中梁狹六七十里厚盛葱鬱之勢陂陀蜿蜒起伏曼衍奔注於城之西北隅惟玉泉觀轟然撐拄於其下則夫殿閣魏煥亭榭參差其孕秀窟仙者不攬全州之勝概歟竊惟天水名邦人文蔚起自漢繼今萬室聯甍旣豐且庶屹爲隴上一大都會藉不有洞天名勝蓄洩厚坤之氣脈以昭奠神天愉快觀游者其於地靈豈曰無憾則州之有斯觀也亦固其所觀之正殿權輿於元真人梁志通他祠則不概可考焉然斷崖煙雨中老柏蒼藤安皆千餘年物蓋州人士飫雲物之和介右享之福者亦已久矣隲而不修將有棟翹礎侈之慮耆紳謀所以新之爰捐廉先導并募飲於城郊信善以葺大工經營之始則昇仙橋直西則靈官殿折而北則通仙橋北級石梯者再則玉皇閣卽正殿也閣西則草堂改作軒窗設唐杜子美畫像焉憑高遠眺始足觴詠之勝堂西偏則道院新拓也再西則

倉聖宮門左右增兩楹階下則玉泉舊有亭廢今復之宮內南折而上則神仙洞宮外南折而下則雲陽洞洞南數十武有亭環矚琳宮俯瞰青郊故曰明眼易庠隘而爽塏之最爲稠人所聚矣他非匠氏之所經不覩縷焉憶余咸豐年間差次於秦久今來作牧又踰十稔宦游五十載獨於是邦結一段香火因緣則有其舉之曷敢或廢雖然余意又豈區區飾名山以侈游讌已哉觀之地稍凹溪谷迴澶喬柯聳峙宜若幽翳無見者然然凭欄放目意氣飄飄空闊山川城郭東西百餘里村疇草木紫翠明潤景態萬狀可一覽而盡也後之任斯政者鳴琴餘暇携朋選勝宣導滯壅目農桑之豐歉權民物之息耗則利用厚生之道或於是出以補余闕有餘望焉開工於壬寅之夏訖工於癸卯之秋凡增置若干楹仍舊若干楹耗錢若干緡是役也雨暘應時耆穉歡娛故樂爲之記

天水縣志

卷之十二

十三

蘭州國民印刷局排印

前任鞏秦階道丁公專祠碑記

任承允

宣統元載冬十月晦日前鞏秦階道愼五丁公卒於濟南寓廬溯公去位已五年去隴踰十年矣訃聞之日里巷哀悼追慕思其德蓋久而未之或忘也越明年鄉人官京師者公呈都察院代奏請建專祠奉旨立即俞允異數也公爲同治中興名臣文誠公長公子由刑部郎以黔中平匪績改用山西知府值大饑公亟典衣物助賑賑餘又不肯從衆染指遂以特操聞於時實補潞安府升河東道丁父憂卻鹽商賻金十萬兩服闋起原官分巡隴右繡衣西指父老迎瞻馬首皆色喜曰仁人也必有以福我矣公馭吏以嚴不爲矯飾刻激之行撫民安靖不擾弗求赫赫名採風問俗重闡洞開士民上謁晉接不倦而將之以誠故利弊周晰設施裕如居秦凡七年政以成民以大和光緒歲乙未河湟回變作氣機所煽隴左右之部

族或蠢蠢然欲動而無識漢民又構虛詞激盪之勢將燎原矣公乃密編保甲嚴禁種種謠言進其首領開誠布公怵之以威申之以大義不動聲色而反側漸平是秋升授本省按察使紳民籲留坐鎮又一年軍事大定始去任嗚呼用師連年流血千里顧我三郡兩族之民咫尺水火獨得飽眠於衽席非公之賜而誰歟考之禮禦大災捍大患則合於祭法然則大災患當前從容消弭不勞捍禦之力又當何如焦爛且爲上客況在徙薪謂吾民而不俎豆尸祝焉非情矣既共籌所以棲神者夫以桐鄉遺愛特崇祀典因陋就簡難語奉嘗矣然時會艱難市野交疲於政費必欲比例恢宏不且違公節儉卹民之素心乎乃於城南之山雲閣擇饗殿三楹峻宇崇階面山抱水華樸適中爽塏闕穆右爲宋公祠後爲董公祠是皆前觀察之最賢位公其間衆僉曰宜丹雘旣新奠位設享旌旆鐘鼓黍稷椒漿濟濟衣冠靡不

天水縣志

卷之十二

十四

蘭州國民印刷局排印

貌肅而心愉而環門觀禮者扶鳩耆老竹馬兒童且萬人忭舞於廣陌懿歟盛哉從此風車雲馬日往來荷香柳碧間呵護舊治如生前將百千萬襍無窮期也嘗謂文誠公以撥亂崛起精神魄力譬四時之有夏烈日迅霆以震動昭蘇萬物公濟美承平一播以春和時雨霖霖惠風淡蕩亦可謂善承堂構矣抑公自謂政術多師資於朝邑閻文介相國夫以公之和易可親似歟文介不相肖矣然易而有則外和而內有其狷然在其得諸其骨而不襲其貌者歟祠旣成同人委記建祠之由其治績之不涉本境者不具書公諱體常歷官至護理巡撫貴州人文誠公葬於山東遂移籍云

創建陶公祠碑記

任承允

古之官之去也聞臥輒攀轅矣其歿也聞巷哭立祠矣讀史者驗其民情想像其盛意特古

風之厚今世則烏有也雖然今吏之良者抑有異焉有仁心仁聞矣而煦煦妮妮不澤民反殃民者政不達也廉無奢取敏足集事矣而愛人之誠摯又不足以結物噫是實心實政之無交盡顧致疑於甘棠之愛歟胡不觀吾陶公以光緒乙亥來牧秦州越一年政通廢舉丁丑關隴旱荒禱而籌賑瘁力焦思活居民以萬計流民以數千計捐俸移粟於山岔兩當又以數千百石計賑餘緡錢厥用保婺哀瑩經遠風教是維及政之成土服其訓農工商徧其德以寬以嚴良安剔蠹輕役免徭與民休息州城南有藉水又有呂二溝水灌輸交漲齧蝕隍墉爲居人患舊有宋堤費堤廢矣公下車之明年築藉堤堤北建祠祀宋公又明年以工代賑築呂二溝堤工浩用博咸自官出民不知役而知利焉水災之淡迄今三十年壬寅秋淤沙壅水呂二堤始決不兩月公計自粵至踰年周本齋孝廉監修堤傍銜沒之菩薩洞州

天水縣志

卷之十二

十五

蘭州國民印刷局排印

人士走而告曰昔公炙日淋雨旰食執扑躬相版幹成堤以惠民曷闢寺南隙地立祠識遺愛且企後政目斷堤而心惕乎僉謀曰宜闕構乃立凡建正殿三楹拜庭稱之齋息庖濯之所備焉基石移木幽邃敞爽經始之日百匠獻技子來謹洽萬牛之棟輕如槁葉若有神助經營不日落成之日冠裳絡繹士庶駢闐陳牲裸醴密餌朱筵苾苾芬芬於萬斯年吁公精神之鼓舞吾民者豈偶然哉昔公去秦也民借寇君不得則相與刻石紀德政送者白叟黃童擠道周訃聞家弔巷哭而又祠而祭之以崇報於久且遠大學引詩終不可諠釋以盛德至民之不能忘公位方面久歷他省矣凡秦人晉謁雖賤者必召見慰勞問年穀之豐歉官吏之賢否與其河堤卹婺諸政及移督陝甘首檄築東關城又頒洋礮若干爲桑土綢繆備是公於吾民尙未能一日忘之而謂吾民或能一日忘公豈情也哉公歸葬於澗矣然白沙

綠柳之間風車靈旗儼然有呵護吾民者在萬里雖遙當不棄我奉嘗則朱邑桐鄉其在斯乎其在斯乎公德業在天下姑述吾州政績與祠之沿起以記

送趙生紹祖南遊序

任承允

學何殊乎今古亦曰仁義而已仁也者立心愛人以施於治平者也義也者不汲汲於利祿以制乎身事之所宜者也昔之君子誦禮敦詩所行雖不必盡合於所學而範圍於幽明之理蓋有畏焉不敢盡肆也今之君子陳道德凌古今聽其言非不娓娓聳聽聞而夷考其所行若不必求踐其言或且背而馳焉嗚呼學人者生民所託命也權利蠱其心方寸漓其誠宜乎天下紛紛水益深而火益熱也余頻年閉門卻掃皋座塵封後起之俊髦誰賢誰否渺不相知而葛生昊楊生效震馮生國瑞王生新令趙生紹祖相繼踵門問業此皆學堂高等

天水縣志

卷之十二

十六

蘭州國民印刷局排印

生獨有志於孔孟之道因樂與講明切究之教學相長幸吾道之不孤也其於詞章各能蓬勃英發自達其才則於義理之深造有得也可知余顧而喜之乃不數年風流雲散余又悄然悲之葛楊王久矣南遊趙生與予同居羲皇里中望衡對宇重以世好連以姻婭故過存尤密今以不得意於鄉里家貧親老亦欲追縱遠邁男兒展四方之志破浪乘風在此行也趙生勉乎哉大江以南山水清奇足以開拓胸襟助其文采京都新建海內瑰璋傑特之士雲集鱗聚聞見所接知識不期宜日進也雖然吾又懼其隨波而亦靡也懇懇乞贈一言余遯跡空山於今天下事見不出乎其域可謂問道於盲然仁義治平之道燦然經史生既熟誦法之矣日知其新毋忘其故他日得志乘時救斯民於水火非其他學術所能任也趙生勉乎哉秦淮煙雨中見諸同學爲余訊而告之

劉子嘉墓誌銘

任承允

本朝三百年間吾隴士大夫出詞曹內遷至侍郎者子嘉君一人而已方將大用乃年未周甲而歿悲哉君姓劉氏諱永亨子嘉其字世居秦州西關白土崖曾祖德元祖達官考尙志以醫顯有隱德三世皆以君貴君弱冠入泮旋補弟子員以貧故教授養親文名鼎鼎然日盛內子舉於鄉明年聯捷得庶吉士庚辰授職編修未二載奉父諱歸講學甘州服闋以繼母老病設帳里中以便侍養旋丁憂又主求古書院講席所至勲懇得士心用能裁成宏富既而侗平有遠志遂投筆西出玉門陽關度流沙徘徊河源葱嶺間屯邊各豪帥莫不傾慕丰采士卒服橐鞬嚴營陣千里動色相迎送遊旣倦策馬復入都門益讀書於天祿石渠間借國史以發抒其蘊蓄甲午典試關中以勤審能多得積學士與修會典由詳校進總纂提

天水縣志

卷之十二

十七

蘭州國民印刷局排印

調獨以參考精密見長尤謂國帑不可虛糜昕夕勉同人以速蕙事爲志先後兩得優保升階加侍講銜戴花翎又以節省六萬金邀優旨嘉獎庚子拳匪亂六月二十一二三日詔廷臣議戰和君請暫遣孝民出城幾撓當道之怒退則呼予作聯名書致於鄉人之統兵者使分別不傳教各國勿混同攻擊其使館而卒不應及兩宮駕幸長安君次年春亦西赴行在晉少詹事至汴晉詹事回京晉內閣學士歷署戶禮工各部侍郎兩次佐勘西陵工程綜覈名實如營私丙午春授工部侍郎旋調倉場侍郎正值秋漕酷暑中奔馳不肯少休息而脾病乃於此深矣君兩居喪祭葬守禮經無或出入待弟姪恩義交盡與門生故舊處懇懇然恭而盡禮而議論則必以謹身學古爲歸宿生性靜穆雖座中對稠人笑語執筆千言無少舛誤平居必有所作不使心手或逸在官在家皆然所居室常蕭灑無點塵器用位置不失

定處起居飲食均有節度身長面尤頎似壽相竟以腹泄致不起惜哉生於道光三十年十月初五日戌時卒於光緒三十二年十二月二十五日戌時享壽五十有八配劉氏繼配武氏王氏先歿子男一汝冕廕生禮部禮器庫簿正武氏出女一適汪劉氏出將以歿之次年八月二十五日吉時歸葬君於天靖山金家灣亥山已向祖塋之次君爲余先子門人余當髻齷趨庭君卽引爲忘年交及同官京朝益以道義相切劘庚子患難中余以奔喪別君去去六年復來則已視君於病榻上相對汎瀾而已嗚呼是能不徇孤子請而有言耶銘曰
葱嶺大河橫金方涇渭交絡隴坂長中有偉人間天荒倬有詞翰垂典章經綸日試司神倉屢遷其官勤無荒所其無逸應壽康飲食起居慎乃強胡不憖遺桑梓光白雲黃鶴空渺茫英魂歸葬邽山岡遺福無極兮子孫臧

天水縣志

卷之十二

十八

蘭州國民印刷局排印

先妣述略

任承允

先妣太夫人棄養於同治十二年十一月十四日不孝承允生裁三歲遂爲無母之人矣悲

夫太夫人姓師氏爲謹序公之長女生而端淑不苟言笑外王父母甚愛而重之時先考府君敦品而文名籍甚適元配歿擇而許繼焉年十九來歸府君孝順慈和織衽瑣屑一身任之能勤能儉時主家政者爲先二叔祖妣亟亟然獎其賢後三年始生不孝產後忽患眼疾時痊時劇久乃起翳膜醫藥罔效然於家人衣履諸務猶手作機杼聲未或間斷歿年之秋府君領鄉薦以積勞遂失明由是日夜嗟泣自傷命薄曰夫君得科第將貴矣瞽目人何顏主中饋縱人能安我我何能自安襁中兒已不母可活此天之絕人於死地也府君覺其有異志勸慰之深防範之嚴無所不至及公車北上竟乘間自盡矣距生於咸豐元年十一月

十九日享年二十有 嗚呼痛哉嘗思士大夫欲避賢路可以辭可以去而婦人之處身則不能然計欲盡義全仁惟有忍心一決爾矣略記當時太夫人臨歿不孝 尚枕臂啼泣索乳經家人抱往二叔祖妣屋中叔祖妣哭泣之狀猶存髣髴餘則一無所知矣嗚呼痛哉盈天下皆鮮民也人誰無親親誰不歿而不孝 獨有隱焉幼而無母其鞠勞徽懿無從表揚於萬一久欲有述而不忍述而明發不寐又有不忍不述者欲報之德昊天罔極今不孝 亦垂老矣謹以淚和墨記其大略嵌之家廟壁間永示我後之人悲夫

聽雨集序

任承允

先君子主隴南講席久三郡髦俊蒸蒸先後炳蔚最晚乃得伏羌田君駿豐年才十六及門翹異之士蓋未有若斯髻齡者也爲文清新沉警每每折角老輩顧不拘拘於帖括日伏案

天水縣志

卷之十二

十九

蘭州國民印刷局排印

讀古書雞鶴養翎誰不知將冲霄一鳴哉時允服官京師耳其名未及相接也辛丑奉諱家居君已入岑西林幕府書劍飄然作遠遊癸卯夏至伏謁王心如先生適君由蜀歸省親聞之卽下訪於旅寓勤懇如久別且殷殷以出身涉世爲問蓋誤以爲老馬知途雖迂腐無益於集思而訂交則從此始矣嗣又分軫南北及壬子國步驟改允留滯都下君從海上來相見懽然道故卽以刻先君敦素堂詩集見商初不欲獨專其名擬集貲同門旣因世亂道梗爰獨力任之而遺詩得傳此其意可感也暇輒造蝸居飯至則飽酒至則醉一以摯懷相待嘗謂允曰吾師往矣吾將以事吾師者事吾子吁允何人斯原不堪此獨是禮失教微師道不立而君獨拳拳於舊恩而不肯忘此其意尤可感也是冬聯車西旋旋後君兩過秦城必詩酒流連竟日乃丁巳秋君復被推爲臨時議員慷慨北上當強仕之年以中酒暴歿於友

人謙所知君者莫不慟惜既歿三年君弟玉豐抄輯所遺詩文都若干卷屬以校讎嗚呼承允猶溝督儒目不知古今之變中外之通若君襟抱之英奇志向之宏遠殆坐井而觀其何足以序君然鯉庭夙誼蠹簡深交擬之葉水心之序陳龍川又能泐然於一言乎君髫年文譽弱冠戍軒而陝而晉而蜀而兩粵而燕天才得江山之助其傑特自不待贅集中不止修城記優入古域餘多關於世道人心有用之言非一切藻繡鞏帙者比可傳也詩亦曼曼獨造寄興遙深官廣西作尤見沉雄使天假之年所詣必將日高雖然君以功名自期許文藝特其緒餘則一班已足以窺全豹矣抑允獨有感者今之人頗厭苦古作者之艱深難學下趨苟簡淺俚以爲不學之捷徑由斯道也後生將有不識中國詩文爲何物之一日君學於古而名重於今之世者也雖不盡似古人而古人之軌道猶存刻而傳焉或不弁髦之而羣焉慕效之儒風或藉以延綿於一綫則斯編之係於絕續不綦重歟桑榆景晚舊雨凋零殆盡展卷濡毫不勝山陽笛感之悲云

墨龍碑記

周務學

壬寅余家居監工南郭寺八月初旬大雨河暴漲次日水殺寺之下河灘吹出石碑胚一座高四尺寬二尺厚二尺有奇用五十六人挽擡逕卽險亦無失者呼匠鑿之磨以粗沙大石其紋似龍而亦似梅戲呼爲梅龍碑老丈陳子賢繫以歌甚爽朗此碑不知鑿於何年淤於泥沙者何日而適顯於壬寅秋八月初二日且在南郭寺工甫竣之時州之人聞而觀者約百人時數耶抑佛法之呵護耶均不得而知之李青蓮云天生我材必有用或信然歟

重修秦州天靖山東嶽碑記

梁雋冕

攷州治東嶽廟在距城北五十里之鳳凰山其建於天靖者爲東嶽行宮今廟是也有石額可據天靖山蜿蜒自西來互郭北而東勢若龍伏廟冠其首岑岑如鼇戴石徑緣山麓盤紆而上綽楔竦峙翠柏陰翳崇垣飛閣簷牙高啄其後殿宇參差煙嵐掩靄望之佳氣蔥蔥然登臨俯矚襟藉帶郭山原盈眎足攬一州之勝惟創建昉於何年志乘無攷歷覽廟碑則自明嘉靖以迄國朝乾隆間重修已四五次同治甲子隴右變亂州境戒嚴賊乘虛南襲大肆焚毀旣而湘勇盤踞其中繚以長垣倚爲營壁巍然靈光幾成邱壘肅清後湘勇統帶楚南田公連考捐資重建兩廡十王殿塑設地獄種種變相而東嶽正殿以下則楠爲葺補而已距今又閱三十餘年歲月侵尋風雨剝蝕微特正殿日就傾圮卽十王殿亦岌岌不能撐其餘山門牌坊及廟內各祠宇更形敝陋瓦礫成堆蕪穢不治州人盡然傷之苦於工鉅無敢

天水縣志

卷之十二

二十一

蘭州國民印刷局排印

舉者光緒丁未闔州紳耆倡議募修前鞏秦階道英公璞知州事張公珩飭役協助迺於明年正月鳩工庀材大興土木增庠培薄扶傾補漏易其窳敗飾其霉黯礪礎紛鋪闌楯膠葛聖壁刻桷藻菜雜施以極壯麗堂高以深臺廣而平岑樓臺雲門坊竣整庖庫旣具官廳面山叢祠別院結構精嚴而十王殿所有一切形形色色靡不踵舊增新雕繪神奇用警薄俗工事初成州人咸慶以爲今而後庶可以禮神明而肅觀瞻也溯自戊申正月興工至宣統紀元九月告竣閱時甫兩易寒暑耗資僅六千緡有奇工鉅費省而成之容易微道憲英公州尊張公之力不及此是役也重修者正殿一十王殿二帥神殿二侯神殿一城樓一牌坊一山門一葺修者拜殿一太保殿二鐘鼓樓二炳靈廟一山神土地祠二增修者月臺一東西朝房二便門二官廳一廚四庫二聖母宮大半重修惟增修兩朝房禹王廟重建於老母

宮之右正殿三楹添祀呂祖柳仙及金龍大王像爲秦民祈福禱雨計於戲何其意之摯而慮之周既盡美而又盡善也夫神道設教盛世不廢尼山有言祭則受福吾州此次重修天靖山東嶽廟其事人均足不朽爰志厓略勒之貞珉與山並壽

玉樹調查記序

周希武

青海南部有囊謙等土司二十餘族皆番也

衛藏通志謂之阿里克等四十族其族數今昔參差之故具見考證門

其間唯玉樹四土

司本蒙古部族游牧通天河上流番人謂之達木其地當西寧入藏孔道常代表海南各土司支辦供億故西甯案牘率呼海南各土司爲玉樹等二十五族及其久也則沒去等字徑呼爲玉樹二十五族遂以專名爲公名正猶隴省之名甘肅耳

元之甘肅省止有河西諸州路及甯夏額濟納等地自洮河關會以東皆

隸陝西而省治又在甘州故曰甘肅等處行中書省其名本正明廢甘肅省併於陝西清初因之雍正分省時大勢以隴山爲界乃沿用元人甘肅之名此當事者之不學也

而川邊附近囊謙目爲

天水縣志

卷之十二

二十二

蘭州國民印刷局排印

隆慶二十五族隆慶者囊謙之轉音也近年經略川邊者謂二十五族爲化外之民脅令投誠且置戍焉已得命於中央矣而番民久隸西甯不樂川屬屢訴於甘而甘肅所據以入告之文猶然玉樹二十五族也隴蜀共爭一地而稱名互歧紛紛爭執踰年莫決中央乃飭兩省派員會勘時合肥張勳伯上將初督甘肅以邊關道尹忠武軍統領周務學樸實耐苦文武兼資請特派爲勘查界務大員謂希武頗究心邊事委充隨員洮陽牛君載坤故習測繪學遂邀與俱行以民國三年八月由蘭首途至西甯取道海南小路踰大積石山絕河源渡崑崙即巴顏哈拉山涉金沙江朝犯瘴癘暮逐水草徑無人之地千餘水艱苦備嘗以十一月晦抵結古即蓋牛君復衝寒冒險徧歷各族測繪地圖希武則訪問長老參攷圖志真像既明疑誤冰釋周特派員乃具條兩省誤會之由及番情向背之機隴蜀控制之宜由張勳伯

上將轉達中央踰年三月奉令玉樹二十五族准仍歸甘肅西甯管理川兵退出境外凡駐結九閱月界務蕝事希武公牘餘暇輒最錄所聞並參以牛君調查所得久之盈卷以類排比稍加刪潤命曰玉樹調查記沿用訛名取便稱謂也乃爲序曰禹貢析支崑崙說者以爲析支在河首崑崙在今新疆和闐南而雍州黑水清儒謂之潞江番人所謂哈喇烏蘇是也楊雄雍州牧箴黑水西河橫截崑崙邪指閭闔畫爲雍垠今玉樹二十五族在崑崙之東黑水之北河源之南其爲禹貢雍州封略所及可斷言矣殷周盛時自彼氏羌莫不來享來王三代以降帝王德衰不能及遠於是漢有西羌之禍唐有吐番之患而禹迹故壤遂以敵國異域視之矣唐太宗至以宗室女爲公主下嫁吐蕃其酋迎之河源卽今娘磋北境是也元起朔漠囊括亞州二十五族夷爲奴隸明逐蒙古而青海餘孽猶役屬玉樹清初始脫奴隸

天水縣志

卷之十二

一十二

蘭州國民印刷局排印

羈縻勿絕及其衰也蒞蒙委員視爲利藪誅求椎剝番不勝困而勢已積弱卒亦無敢有抗顏行者始吐番盛時北陷河隴南沒松維以唐之盛而不遏其狂猋及佛教大行於吐番人種日減殺心漸弭而獷悍忍鷲之風亦稍稍衰矣故以趙宋之文羸而吐番不能大爲邊患明之季年套虜跳梁海西不聞海南有煽動之事清之中葉南番剽掠河北不聞西番有響應之謀斯非佛力去殺之明效歟然天下之患每伏於大利之中彼唯不能爲吾患則亦不能禁制遠夷而爲吾效保塞之助王船山謂近夷衰弱適足爲崛起遠夷之資其今日吐番之謂乎童騾無識被人傀儡終且俛虎教獠括糠及米况二十五族與彼壤地毗連又同種同教哉玉樹不保勢將北擾蒙古必中於湟中東煽果貉患且及於洮岷吾甘來日其旰食乎今國家縱不能急切圖藏豈可坐令玉樹爲之資耶顧玉樹鄙遠艱食宿用兵實難內地

轉餉甯能持久計唯亟經營附近西甯蒙番逐漸拓殖以及玉樹而經略之基須甯海特別區域實行後以湟中之全力萃於青海始克有濟蓋自海濱以至河首荒原亂岫豐草大泊目極千里往往無人唯剛咱果格諸野番時出沒其間自非三月聚糧盛列卒徒莫敢前往者倘兵屯既列亭障相聯道路無虞來往玉樹者漸多然後以兵保商以商興屯以屯足食而瘠陲可化爲沃壤玉樹之植基既固卽可以聯絡川邊以爲制藏之計今歐戰方酣不暇東顧吾國人欲經略海藏此誠千載一時之機會失今不圖後必噬臍而世之君子方且競爭權利於中區蹄沔之水坐視百餘萬方里之陸海榛莽際天以待他族之開闢此希武與牛君所爲讀山有樞篇而相視流涕者也乃發憤述玉樹調查記以爲經略青海之嚆矢并以質世之留心邊事者都四萬餘言

天水縣志

卷之十二

二十四

蘭州國民印刷局排印